

---

OFFERYNNAU STATUDOL CYMRU

---

**2015 Rhif 1710 (Cy. 225) (C. 103)**

**TAI, CYMRU**  
**LANDLORD A THENANT, CYMRU**

**Rheoliadau Deddf Busnesau Bach, Menter a Chyflogaeth 2015 (Cychwyn) (Cymru) 2015**

*Gwnaed - - - - 21 Medi 2015*

Mae Gweinidogion Cymru, drwy arfer y pwerau a roddwyd iddynt gan adran 164(5) o Ddeddf Busnesau Bach, Menter a Chyflogaeth 2015(1), yn gwneud y Rheoliadau a ganlyn.

**Enwi, cymhwyso a dehongli**

1.—(1) Enw'r Rheoliadau hyn yw Rheoliadau Deddf Busnesau Bach, Menter a Chyflogaeth 2015 (Cychwyn) (Cymru) 2015.

(2) Mae'r Rheoliadau hyn yn gymwys o ran Cymru.

(3) Yn y Rheoliadau hyn, ystyr "y Ddeddf" ("the Act") yw Deddf Busnesau Bach, Menter a Chyflogaeth 2015.

**Y diwrnod penodedig**

2. 1 Hydref 2015 yw'r diwrnod penodedig ar gyfer dwyn y darpariaethau a ganlyn o'r Ddeddf i rym—

- (a) adran 35 (eithrio busnesau cartref rhag Rhan 2 o Ddeddf Landlord a Tenant 1954); a
- (b) adran 36 (adran 35: darpariaeth atodol a chanlyniadol).

21 Medi 2015

*Lesley Griffiths*  
Y Gweinidog Cymunedau a Threchu Tlodi, un o  
Weinidogion Cymru

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## **NODYN ESBONIADOL**

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn dwyn i rym o ran Cymru, ar 1 Hydref 2015, adrannau 35 a 36 o Ddeddf Busnesau Bach, Menter a Chyflogaeth 2015 ("y Ddeddf"). Mae'r adrannau hynny yn Rhan 2 (diwygio rheoleiddio) o'r Ddeddf yn diwygio Rhan 2 o Ddeddf Landlord a Tenant 1954.

Drwy eu cychwyn, mae'r darpariaethau yn eithrio busnesau cartref rhag y diogelwch deiliadaeth a roddir i denantiaid mangreoedd sydd wedi eu meddiannu at ddibenion busnes. Bydd hyn yn ei gwneud yn haws i denantiaid gael caniatâd i ddefnyddio mangreoedd at ddibenion busnes mewn cytundeb tenantiaeth, ac i landlordiaid adfer meddiant o'r mangreoedd pan ddaw tenantiaeth o'r fath i ben.